

В ПЯТОК ВАИЙ ВЕЧЕРА,

во светильничное обычное стихословие. На Господи воззвах, поставим стихов, 10. И поем самогласен дне дважды, и мученичен: и праведнаго Лазаря самогласных 5, творяще я семь.

Самогласен, глас 8, дважды.

Душеполезную совершивше Четырдесятницу, / и святую седмицу страсти Твоя, / просим видети Человеколюбче, / еже прославити в ней величия Твоя, / и неизреченное нас ради смотрение Твое, / единомудренно воспевающе: / Господи слава Тебе.

Мученичен: Мученицы Господни / молити Бога нашего, / и испросите душам нашим множество щедрот, / и очищение многих прегрешений, молимся.

Таже поем святаго Лазаря, самогласны 5. Творение благочестиваго царя, господина Льва Премудраго. Глас 6.

Господи, Лазарев хотя гроб видети, / волею хотяй во гроб вселитися вопрошал еси: / где положисте его? / Уведев же, еже не неведал еси, / и возглашал, егоже любил еси: / Лазаре гряди вон. / И послуша бездыханный, / дыхание дающаго ему, / Тебе Спасе душам нашим. **[Дважды.]**

Господи, на гроб четверодневнаго пришел еси Лазаря, / и над гробом слезы пролив, / мертвеца четверодневна возставил еси, / класе живота. / Темже смерть связана бысть гласом: / пелены разрешишася руками. / Тогда радости исполнися множество ученик, / и едино от всех служашеся согласие: / благословен еси Спасе, помилуй нас. **[Дважды.]**

Господи, глас Твой разруши адово царствие, / и слово власти Твоя возстави из гроба четверодневнаго, / и бысть Лазарь пакибытия проображение спасительное. / Вся возможна Тебе Владыко всех Царю, / даруй рабом Твоим очищение, / и велию милость. **[Единожды.]**

Господи, уверити хотя учеником Твоим / из мертвых Твое Воскресение, / на гроб Лазарев пришел еси: / и возгласившу Ти сего, / ад пленися, и отпусти четверодневна, / вопиюща Тебе: / благословенный Господи слава Тебе. **[Единожды.]**

Господи, поемь ученики Твоя, / в Вифанию пришел еси, / да возставиши Лазаря: / и прослезився над ним законом естества человека, / яко Бог того четверодневна воздвигл еси, / и вопияше Ти Спасе: / благословенный Господи слава Тебе. **[Единожды.]**

Слава, глас 8:

Представ гробу Лазареву Спасе наш, / и возгласив мертваго, / яко от сна воскресил еси: / оттрясе тление нетления манием, / и изыде словом, связанный укройми. / Вся можеш, вся Тебе / работают Человеколюбче, / вся повинуются Ти, / Спасе наш слава Тебе.

И ныне, глас тойже:

Душеполезную совершивше Четырдесятницу, возопиим: / радуйся граде Вифание, отечество Лазарево. / Радуйтесь Марфа и Мариа, / того сестры, завтра бо Христос приходит, / оживити глаголом умершаго брата: / Егоже глас услышав, горький и несытый ад, / страхом вострепетав, и вельми возстенав, / отпустит Лазаря укройми обязана: / Егоже чудеси собор еврейский удивився, / с ваием и ветвьми Того срящут, / и явятся похваляющие дети, / Емуже завидят отцы. / Благословен грядый во имя Господне Царь Израилев.

Вход. Свете тихий:

Прокимен, псалом 123, глас 6: Помощь наша во имя Господа, сотворшаго небо и землю.

Стих: Яко аще не Господь бы был в нас, да речет убо Израиль.

Бытия чтение. [Глава 49, ст. 33, глава 50, ст. 1 – 26.]

Преста Иаков завещая сыном своим: и возложив Иаков нозе свои на одр, умре, и приложися к людем своим. И припад Иосиф на лице отца своего, плакася [горько] о нем, и облобыза его. И повеле Иосиф рабом своим погребателем погребсти отца своего: и погребоша погребатели Израиля. И исполнишася ему čtyрдесят дней, тако бо исчисляются дние погребения: и плакася его Египет седмьдесят дней. Егда же преидоша дние плача, глагола Иосиф к вельможам фараоновым, глаголя: аще обретох благодать пред вами, рцыте о мне во уши фараону, глаголюще: отец мой заля мя прежде скончания [своего], глаголя: во гробе, егоже ископах себе в земли Ханаани, тамо мя погреби ныне убо возшед погребу отца моего, и возвращуся. и рекоша фараону по словеси Иосифову. И рече фараон к Иосифу: възиди, погреби отца твоего, якоже заля ты. И възиде Иосиф погребсти отца своего: и совзыдоша с ним вси раби фараони, и старейшины дому его, и вси старейшины земли Египетския. И весь дом Иосифов, и братия его, и весь дом отца его, и сродницы его: овцы же и волы оставиша в земли Гесем. И совзыдоша с ним и колесницы и конницы, и бысть полк велик зело. И приидоша на гумно Атадово, еже есть об он пол Иордана, и рыдаша его рыданием велиим и крепким зело: и сотвори плачь отцу своему седмь дней. И видеша жители земли Ханаанския плач на гумне Атадове, и реша: плач велик сей есть египтяном: сего ради наречеса имя месту тому, Плач Египетск, еже есть об он пол Иордана. И сотвориша ему тако сынове его, якоже заповеда им. И взяша его сынове его, в землю Ханааню: и погребоша его в пещере сугубей, юже стяжа Авраам, пещеру в стяжание гроба от Ефрона Хеттеанина, прямо Мамврии. И возвратися Иосиф во Египет, сам и братия его, и вси совозшедшии погребсти отца его. Видевше же братия Иосифовы, яко умре отец их, реша: да не когда вспомянет злобу нашу Иосиф, и воздаянием воздаст нам за вся злая, яже показахом ему. И пришедше ко Иосифу, рекоша: отец твой заля прежде кончины своя, глаголя: Тако рцыте Иосифу: остави им неправду и грех их, яко лукавая тебе показаша, и ныне приими неправду рабов Бога отца твоего. и плакася Иосиф, глаголющим им к

нему. И пришедше к нему рекоша: се мы тебе раби. И рече к ним Иосиф: не бойтесь, Божий бо есмь аз. Вы совещае на мя злая, Бог же совеща о мне во благая, дабы было якоже днесь, и препиталися бы людие мнози. И рече им: не бойтесь, аз препитаю вас, и дома ваши. и утешу их, и глагола им по сердцу их. И вселися Иосиф во Египте сам и братия его, и весь дом отца его: и поживе Иосиф лет сто десять. И виде Иосиф Ефремли дети до третияго рода: и сынове Махира сына Манасиина родишася при бедрах Иосифовых. И рече Иосиф братии своей, глаголя: аз умираю: посещением же посетит вас Бог, и изведет вас от земли сея в землю, о нейже клятеся Бог отцем нашим, Аврааму, Исааку, и Иакову. И закле Иосиф сыны Израилевы, глаголя: в посещении, имже посетит вас Бог, совознесите и кости моя отсюду с вами. И скончася Иосиф сый лет ста десяти: и погребоша его, и положиша в раце во Египте.

Прокимен, псалом 124, глас 4: Надеющийся на Господа, яко гора Сион не подвижится во век.

Стих: Яко не оставит Господь жезла грешных на жребий праведных.

Притчей чтение. [Глава 31, ст. 8 – 32.]

Сыне, отвержай уста твоя слову Божию, и суди вся здраво. Отвержай уста твоя, и суди праведно, разсуждай же убога и немощна. Жену доблю кто обрящет, дражайши ест каменья многоценнаго таковая. Дерзает на ню сердце мужа ея: таковая добрых корыстей не лишится. Делает бо мужу своему благая во все житие. Обретши волну и лен, сотвори благопотребное рукама своима. Бысть яко корабль куплю деющий, издалеча собирает себе богатство. И востает из нощи, и даде брашна дому, и дела рабыням. Узревши село купи: от плодов же рук своих насади стяжание. Препоясавши крепко чресла своя, утвердит мышцы своя на дело. И вкуси, яко добро ест делати, и не угасает светильник ея всю ноць. Лакти своя простирает на полезная, руке же свои утверждает на вретено. И руке свои отверзает убогому, длань же простре нищу. Не печется о сущих в дому муж ея, егда где замедлит: вси бо у нея одеяни суть. Сугуба одеяния сотвори мужу своему, от виссона же и порфиры себе одеяния. Славен бывает во вратех муж ея, внегда аще сядет в сонмищи со старейшины жителями земли. Плащаницы сотвори, и продаде финикианом, опоясания же хананеом. Уста своя отверзе внимательно и законно, и чин заповеда языку своему. Крепостию и лепотою облечеся, и возвеселися во дни последния. Тесны стези дому ея: брашна же леностнаго не яде. Уста своя отверзе мудро и законно: Милостыня же ея возстави чада ея, и обогатишася: и муж ея похвали ю. Многи дщери стяжаша богатство, многи сотвориша силу: ты же предупела и превознеслася еси над всеми. Ложнаго угождения, и суетныя доброты женския несть в тебе: жена бо разумная благословена ест. страх же Господень сия да хвалит. Дадите ей от плодов устен ея, и да хвалимь будет во вратех муж ея.

И прочее последование Преждеосвященных яко обычно.

**Ведомо буди, яко от днесь ниже мученичен, ниже Богородичен, ниже
Осмогласник поется, даже до субботы святого Фомы.**

В ТОЙЖЕ ПЯТОК ВАИЙ ПОВЕЧЕРИЕ ГЛАГОЛЕМ ВЕЛИКОЕ.

**На Повечерии поем настоящий канон, творение святого отца господина
Андреа Критского, Иерусалимиты. Глас 1.**

Песнь 1.

Ирмос: Песнь победную поим вси Богу, / сотворшему дивная чудеса, / мышцею высокою, / и спасшему Израиля, / яко прославися.

Припев: Слава Тебе Боже наш, слава Тебе.

Мертва четверодневна воскресив Спасе мой Лазаря, тли изменил еси мышцею высокою, и показал еси яко сильный власть Твою.

Возгласив Лазаря из гроба, абие воскресил еси: но ад доле горце рыдаше, и стена трепеташе, Спасе, власти Твоя.

Прослезился еси Господи, над Лазарем, показуя воплощение смотрения Твоего, и яко естеством Бог сый, естеством по нам был еси Человек.

Марфины слезы и Мариины утолил еси Господи, из мертвых Лазаря воскресив Спасе, и показав одухновенна мертваго властью Твоею.

Законом естества человека спросил еси Владыко: где положен бысть Лазарь? Показуя всем Спасе, истинное еже к нам смотрение Твое.

Заклепы сокрушил еси тогда адовы, возгласив Лазаря, и державу стрясл еси борца, и покорил еси прежде Креста, трепетати Тебе едине Спасе.

Связня Лазаря, от ада держимаго Владыко, яко Бог предварил еси, и разрешил еси от уз: к Твоему бо вся Сильне, идут повелению.

Слава: Отца прославим, Сына, и Духа, Троицу нераздельную, во Единице Естества, и со ангелы Ю, яко единого несозданного Бога славословим.

И ныне, Богородичен: Непреложно родила еси Дево Мати Создателя естества, от Святого Духа по благоволению Отчу бывша еже есмы, кроме изменения и смешения.

Песнь 2.

Ирмос: Вонми небо и возглаголю, / и воспою Христа, / единого Человеколюбца.

Слава Тебе возгласившему токмо, и из гроба мертва четверодневна друга воздвигшему Лазаря.

Услыша гласа Твоего бездушный, и одушевлен от мертвых воста абие, славя Тя Господи.

Повеление живоноснаго гласа Твоего приим, смердящий воста от гроба, Спасе мой, Лазарь.

Прослезился еси над другом Спасе мой, уверяя наше, якоже носил еси, естество, и сего воскресил еси.

Вострепета якоже виде ад, паки текуща абие связана укройми, гласом к здешнему животу.

Ужасошася еврейстии народи егда возгласив Спасе, воскресил еси словом смердящаго Лазаря.

Сотрясошася сокровища адова, яко одушевлен бысть абие низу Лазарь, тогда гласом Оживившаго.

Песнь 3.

Ирмос: Камень, егоже небрегоша зиждуции, / сей бысть во главу угла. / Той есть камень, / на немже утверди Церковь Христос, / юже от язык искупи.

Чудо странное и преславное, како Создатель всех, еже не неведяше, яко не ведый вопрошаше: где лежит, егоже рыдаете? где погребесе Лазарь, егоже помале из мертвых жива вам воскрешу аз?

Камень, егоже тебе привалиша погребшии тя, сего взяти Иисус повелев, абие воскресил тя, возгласив тебе: Лазаре востани, гряди ко Мне, да твоего ад устрашитя гласа.

Марфа и Мариа Господи, рыданьми вопиясте: се егоже любил еси четверодневен смердит: аще бы еси был zde, тогда не бы умерл Лазарь. Но яко неразлучен везде, сего абие возгласив воздвигл еси.

Пролив над другом слезы смотрения ради, показал еси плоть от нас вземлемую, существом не мнением Спасе, соединившуюся Тебе, и яко Человеколюбец Бог, сего абие возгласив воздвигл еси.

Увы мне воистинну, ныне погибох, вопияше ад, сице возглашаше смерти глаголя: се Назорянин дольняя подвиза, и утробу мою посекая, бездыханна мертва возгласив воздвиже.

Где еврейское безумие? где неверие? доколе чуждии, доколе лестцы, зрите умершаго гласом исходяща, и не веруете Христу, воистинну сынове тьмы вси вы.

Слава: Единаго от Троицы вем Тя, аще и воплотился еси, единаго и славлю, Сына воплощенна, от Богородицы безсеменно прозябшаго, и со Отцем и Духом единаго Сына славословима.

И ныне, Богородичен: Странное и страшное видение смотрения, еже предзреша неложнии пророцы Деву Богородицу: безсеменно убо заченшую, и нетленно рождшую Бога, пребывающую же по рождестве Чистую.

Песнь 4.

Ирмос: Взятся солнце, / и луна ста в чине своем, / вознеслся еси Долготерпеливе на Древо, / и водрузил еси на нем / Церковь Твою.

Прослезился еси Господи над Лазарем, показав яко Человек еси, и воздвигл еси Владыко умершаго, и показал еси людем, яко Сын еси Божий.

Бездыханный услыша повеление Твое, гряди вон Лазаре, текий восташе с пеленами, и скакаше, Блаже, показуя державу Твоюю.

Марфины слезы и Мариины утолил еси Христе Боже, возгласив Лазаря самовластно, воздвигл еси гласом, и поклонися Тебе.

Прослезився яко Человек над Лазарем, воздвигл еси его яко Бог. Вопросил еси: где погребеша четверодневный? уверяя Блаже, вочеловечение Твое.

Страсти знамения и Креста Твоего, уверяти хотя Блаже, адово несытное чрево растерзав, возставил еси яко Бог четверодневнаго.

Кто виде, кто слыша, яко воста человек мертвый смердящий? Илиа убо воздвиже и Елисей, но не от гроба, но ниже четверодневна.

Поем Твое Господи, могущество, поем и страсти Христе: онем бо яко благоутробен чудодействовал еси, сими же смотрительно ят еси яко Человек.

Бог еси и Человек, истинствуяй вещьми и имены, предстал еси гробу плотию Слове, и воздвигл еси яко Бог четверодневнаго.

Ужасошася Владыко, еврейстии народи, яко видеша воставша мертва из гроба Лазаря со гласом Твоим, и пребыша непокорливи чудесем Твоим.

Слава: **Б**езначально возсиял еси от Отца Твоего, яко един сый от Троицы Спасе, в лето в Дусе из девственных Ты прошел еси кровей, плоть взем Пресущественный.

И ныне, Богородичен: Зачатие безсеменное Богородицы, рождество кроме страсти тления: Бог бо обоя чудодействоваый истоци Себе, да нам соединится.

Песнь 5.

Ирмос: **Т**вой мир даждь нам Сыне Божий, / иного бо разве Тебе бога не знаем, / и имя Твое именуем, / яко Бог живых и мертвых еси.

Жизнь сый Господи, и свет истинный, Лазаря возгласив воскресил еси: яко силен бо всем показал еси, яко Бог живых и мертвых еси.

Нестерпимое Твое повеление Иисусе, не терпя ад многих приемый убося, и четверодневна суца Лазаря, со гласом жива, а не мертва даяше.

Персть совокупль духу, древле брение Духом жизни, одушивый Слове словом Твоим: и ныне же словом воскресил еси от тли друга из преисподних.

Манию Твоему Господи, сопротивися никтоже: егда бо мертваго гласил еси Лазаря, абие бездыханный воставаше, и узы нося, ногама хождаше.

О иудейское безумие! о омрачение врагов! кто виде мертвеца из гроба востающа? Илиа древле воскреси, но не от гроба, но ниже четверодневна.

Непобедиме, долготерпеливе, вся нас ради творяй яко Бог, и терпий яко Человек, причастники вся ны сотвори Царствия Твоего, молитвами Лазаревыми.

Слава: Пребездначальная, собездначальная, единачестная Троице, Отче Вседержителю, и Сыне, и Душе Святой, Единице Святая триипостасная, сущия от Адама спасай, верно Тя воспевающая.

И ныне, Богородичен: Пречистое чрево Твое освяти Чистая, плоть из него приемый Пребожественный, в Троице покланяемый, из Отца Слово, и с Духом Бог.

Песнь 6.

Ирмос: Отвергл мя еси / во глубины сердца морскаго, / и спасл еси мя Спасе от работы смертныя, / и разрешил еси узы / беззаконий моих.

Вопросил еси: где есть? вся ведый, прослезился же еси Спасе, яко Человек естеством, воздвигл мя еси мертва повелением Твоим.

Возгласил мя еси Спасе, из ада преисподняго, вопиет Лазарь к Тебе разрушителю ада, и воздвигл мя еси мертва повелением Твоим.

Одеял мя еси Спасе, в брнное тело, и вдохнул ми еси жизнь, и видех свет Твой, и воздвигл мя еси мертва повелением Твоим.

Одушил еси Ты, бездыханный образ плоти моя Спасе, стягнул мя еси костями и жилами, и воздвигл мя еси мертва повелением Твоим.

Всеснудное растерзав чрево адово, исторгнул мя еси Спасе, Твоею властью, и воздвигл мя еси мертва повелением Твоим.

Носил еси Спасе, смешение мое всецело: сохранил же еси чисту пречистую утробу, из неяже прошел еси воплотився, един сый Троицы.

Слава, Троицен: Троице Святая, прославляю Твое благоутробие, и со ангелы пою трисвятую песнь: помилуй души нас воспевающих Тя.

И ныне, Богородичен: В пречистую Твою утробу вниде Слово, соблюде же паки по рождестве сию чистую, Богородительнице, чудо воистинну преславное.

Песнь 7.

Ирмос: Сущим в пещи отроком Твоим Спасе, / не прикоснуса, ниже стужи огонь. / Тогда трие, яко единеми усты пояху, / и благословляху глаголюще: / благословен Бог отец наших.

Над мертвецем прослезился еси Спасе Человеколюбче: да покажеши всем людем, яко Бог сый, нас ради Человек явился еси, и волею прослезился еси, образы нам предлагая сердечныя любве.

Четверодневный Лазарь Спасе, яко услыша низу глас Твой, востав воспе Тя, и радуясь сиче вопияше: Ты Бог и Создатель мой, Тебе покланяюся, и пою воскресившаго мя.

Аще и узами обложен есмь, Лазарь низу вопияше Свободителю: но никакоже во чреве пребуду адове, аще токмо воззовеши мя, Лазаре, гряди вон: Ты бо свет мой и живот.

Молю тя Лазаре, ад рече, востани, изыди от заклепов моих скоро, отыди убо: добро бо мне единого рыдати горце отъемлема, нежели всех, ихже прежде алча поглотих.

О что косниши Лазаре, глаголет, гряди вон, зовет стоя Друг твой: изыди убо, да и аз ослабу прииму, отнележе бо ты снедох, на блевание пища устроиша ми.

Что не востанеши Лазаре скоро, воззва из долу ад рыдая? что не абие воскрес течеши отсюда? Да не и других ми пленит Христос, воскресив тя.

Удивляемь был еси Владыко Христе, чудная тогда соделав многая, свет бо слепым, глухим же уши отверзл еси словом, и друга Лазаря из мертвых, яко Бог возгласив воздвигл еси.

Слава, Троицен: Троицкую воспоем песнь, славяще безначального Отца, и Сына, и Духа Праваго, единственное едино Существо, еже Троицки воспоем: Свят, Свят, Свят еси Троице.

И ныне, Богородичен: Яко единого от Троицы Тя Христе славим, яко от Девы воплощься, кроме преложения человечески вся претерпел еси, не отступль естества отеческа Иисусе, аще и соединился еси нам.

Песнь 8.

Ирмос: Небеса небес, / и вода яже превыше небес, / благословите, пойте Господа, / и превозносите Его во веки.

Творец и Содержитель всех, за милосердие во Вифанию прииде, воздвигнути Лазаря.

Четверодневный смердя, и повойми обязан, изменися дыханием бездыханный, возгласившу Ти Господи.

Иудейстии людие, яко видеша умершаго, Твоим гласом воставша Христе, распыхахуся.

Омраченнии о свете иудее, что не веруете Лазареву востанию, Христову начинанию?

Да радуется Сион, и да поет Жизнодавца, воскресившаго словом от гроба Лазаря.

Вои небеснии, и род земных воспеша Тя, егда Спасе мой Лазаря воздвигл еси.

Слава: Со Отцем и Сыном Духа славословлю и поя немолчно взываю: Трисвятый, слава Тебе.

И ныне, Богородичен: Тебе благословлю и покланяюся Рождшемуся из Девы, не разлучшуся престола святятыя славы Твоея.

Песнь 9.

Ирмос: Сотвори державу мышцею Своею: / низложи бо сильныя со престол, / и вознесе смиренныя Бог Израилев. / В нихже посети нас Восток с высоты, / и направил ны есть на путь мира.

Да поет чудо Вифания с нами: в ней бо прослезися Создатель, законом естества плоти, Лазаря воскрешая, и Марфины слезы прочее, и плач Мариин в радость прелагая, мертвеца воздвигл есть.

Уверяя Слове, Воскресение Твое, призвал еси Лазаря из гроба, и воздвигл еси яко Бог, да покажеши людем Бога же и Человека вкупе воистинне суща, и воздвигша храм телесе Твоего.

Стрясл еси врата и верей железныя, устрашил еси ад гласом Твоим, ужасеся же с ним и смерть абие, яко видеша Лазаря Спасе, суща в них узника, одушевленна гласом и воскресша.

Ужасошася вси, яко видеша Тя Спасе слезяща, Лазаря умерша, и глаголаху народи: виждь, како его любляше. Абие убо возгласил еси его, и востав бездыханный, отложи тление повелением Твоим.

Потрясошася врата, сокрушишася верей, разрешишася узы мертвого гласом силы Христовы, и ад горько въздыхаше рыдая, и своим вопияше: увы мне, кий и откуда глас оживляяй мертвыя?

Востани отсюду послушав гласа, Друг бо твой вон приглашает тя: Сей есть прежде воскресивый мертвыя. Илиа убо воздвиже мертва, и Елисей купно: но Сей бе онеми и глаголай и действуй.

Поем Твою Слове непобедимую крепость: костью бо и жилами умерша воздвигл еси словом Твоим, яко всех Создатель, и сего воскресил еси Спасе, от преисподних, якоже вдовья сына суща на одре.

Слава: Троице Всесвятая, Отче безначальный Боже, собезначальный Сыне и Божественный Слове, Утешителю Благий, Душе Святыи Божий: единый и трисолнечный Свете, соестественное Существо, едина Боже и Господи, ущедрь мир.

И ныне, Богородичен: Вся сотворивый в премудрости Иисусе, и во всего мя оболкийся из Девы, и весь пребываяй присно в недрах Отца: Святыи Дух Твой Христе, на стадо Твое низпослав яко Бог, осени нас.

Вместо Достойно, ирмос: Сотвори державу:

Ирмос: Сотвори державу мышцею Своею: / низложи бо сильныя со престол, / и вознесе смиренныя Бог Израилев. / В нихже посети нас Восток с высоты, / и направил ны есть на путь мира.

В СУББОТУ СВЯТАГО И ПРАВЕДНАГО ЛАЗАРЯ

На Полунощнице, на первом Трисвятом, по Отче наш: Тропарь: Общее воскресение: На последнем Трисвятом, по Отче наш: Кондак: Всех радость Христос: Господи помилуй, 12. И отпуст. Молитвы же: Помяни Господи, не глаголем.

НА УТРЕНИ,

на Бог Господь, тропарь, глас 1:

Общее воскресение / прежде Твоя страсти уверяя, / из мертвых воздвигл еси Лазаря Христе Боже. / Темже и мы яко отроцы победы знаменья носяще, / Тебе победителю смерти вопием: / осанна в вышних, благословен Грядый во имя Господне. **[Трижды.]**

Таже, стихословие: Рече Господь Господеви моему:

По 1-м стихословию седален, глас 1:

Подобен: Камени запечатану:

Ущедри Марфины и Мариины слезы, / отвалити камень от гроба повелел еси Христе Боже, / воскресил еси возгласив мертваго, / мира Жизнодавче, Собою уверяя воскресение. / Слава силе Твоей Спасе: / слава власти Твоей: / слава словом вся Составившему.

Слава, и ныне, тойже.

Таже стихословим Непорочны.

И поем тропари воскресны: Благословен еси Господи: Ангельский собор: И прочая, яко обычай есть в Неделю,

потом седален, глас 5.

Подобен: Сознающее Слово:

Источник премудрости и предведения, / во Вифанию пришел, / с Марфою сущих вопрошал еси: / где положили, рек, друга, Лазаря? / Егоже ради прослезив Благоутробне, / четверодневна мертва воскресил еси / гласом Твоим Человеколюбче и Щедрый, / яко Жизнодавец и Господь.

Слава, и ныне, тойже.

Таже глаголем: Воскресение Христово: и псалом 50. Евангелие же не чтем, токмо во храме святого Лазаря. Чтение же творим, толкование же от Иоанна Евангелиа того дне, слово 63, и 64.

Канона два, до шестыя песни, творение господина Феофана: отонудуже начинаем четверопеснец. Первый канон со ирмосом на 8: другой на 6. Глас 8.

Песнь 1.

Ирмос: Поим Господеви приведшему люди Своя / сквозе Чермное море, / яко един славно прославися.

Лазаря умершаго, манием Божественным воскресил еси, яко Создатель сый, и живота сокровище Человеколюбче.

Словом четверодневнаго Лазаря возгласил еси безсмертне, темнообразное адово разрушив крепостию царство.

Всем Пребожественнаго познание Божества показал еси, из мертвых возставив четверодневнаго Лазаря Владыко.

Днесь Вифания предвозвещает Воскресение Христа Жизнодавца, востанием Лазаревым ликовствующи.

Другий канон, творение Иоанна монаха. Глас 8.

Ирмос: Воду прошед яко сушу, / и Египетскаго зла избежав, / израильтянин вопияше: / Избавителю и Богу нашему поим.

Прежде от не сущих привед всяческую тварь, и ведый сердечная сокровища предглаголеши яко Владыка учеником Лазарево успение.

Человека естеством осуществовавыйся Христе от Девы, Лазарево Ты погребение навикнути вопрошал еси яко Человек, не неведый яко Бог, идеже лежаше.

Слава: Уверяя Слове Твое Воскресение, воистинну яко от сна, любимаго воскресил еси уже смердяща, четверодневна мертвеца от гроба.

И ныне, Богородичен: Чини Тя ангел и человек, безвестная Мати, хвалят непрестанно: Создателя бо сих якоже Младенца, во объятиих Твоих носила еси.

Катавасиа: Воду прошед яко сушу, / и Египетскаго зла избежав, / израильтянин вопияше: / Избавителю и Богу нашему поим.

Песнь 3.

Ирмос: Ты еси утверждение / притекающих к Тебе Господи, / Ты еси свет омраченных, / и поет Тя дух мой.

Два предлагая действия Твоя, показал еси существ Спасе сугубство: Бог бо еси и Человек.

Бездна сый разума, Ты вопрошаеши: где положиши мертвый? хотя воскресити Животодавче лежащаго.

Места преходяй яко быв Человек, явился еси описан, исполняя всяческая, яко Бог неописанный.

Лазаря воздвигл еси Божественным Христе глаголом: и мене многими прегрешеньми умерша возстави, молюся.

Иный.

Ирмос: Небеснаго круга / верхотворче Господи, / и Церкви Зиждителю, / Ты мене утверди в любви Твоей, / желаний краю, верных утверждение, / едине Человеколюбче.

Представ Ты гробу чудотворче Господи, в Вифании над Лазарем прослезился еси, законом естества, плоть Твою уверяя, Иисусе Боже мой, юже восприял еси.

Мариин плач Ты абие утолил еси Спасе, и Марфе показуя самовластное. Ты бо воскресение, Ты и живот, якоже рекл еси: истина бо еси, и всех Господь.

Слава: Обвитаго укройми любимаго Лазаря Господи, от ада темнаго исхитил еси Ты, словом Твоим всемошным смерти разверг заклепы же и царствия.

И ныне: Вселился еси в Деву плотски Господи, явился еси человеком, якоже леть бе видену Тебе быти: Юже и показал еси яко истинную Богородицу, и верных помощницу, едине Человеколюбче.

Катавасия: Небеснаго круга / верхотворче Господи, / и Церкви Зиждителю, / Ты мене утверди в любви Твоей, / желаний краю, верных утверждение, / едине Человеколюбче.

Седален, глас 4.

Подобен: Удивися Иосиф:

Вкупе предстаете Христу Лазареве сестре, и слезяще горце, и плачуше его, реша Ему: Господи, умре Лазарь. Он же яко Бог не неведый погребания, вопрошаше яко Человек: где положите его? И приступив ко гробу, возглашаше четверодневнаго Лазаря. Он же абие воста, и покланяшеся Воскресившему.

Слава, и ныне, глас 8.

Подобен: Премудрости:

Проведый всяческая яко Творец в Вифании прорекл еси учеником Твоим: друг наш Лазарь успе днесь. И ведый спросил еси, рекл: где положите его? И Отцу помолился еси, прослезився яко Человек: темже и возгласив, егоже любил еси, от ада возставил еси Господи четверодневнаго Лазаря. Сего ради вопием Тебе: приими Христе Боже, дерзающих приносить хваление Тебе, и сподоби всех славы Твоея.

Песнь 4.

Ирмос: Услышах Господи, / смотрения Твоего таинство, / разумех дела Твоя, / и прославих Твое Божество.

Не пособника требуай, но смотрения совершай неизреченное, моляся возставил еси мертва, четверодневнаго Всесильне.

Отцу соприносущное Слово, и Бог прежде зримый, ныне яко Человек молится, молитвы всех Приемляй.

Глас Твой разруши Спасе смертную всю силу, основания же адова Божественною Твоею силою поколебашася.

Богородичен: Деву воспоим, яко по рождестве Деву пребывшую, и рождшую Христа Бога, от прелести мир избавльшаго.

Иный.

Ирмос: Ты моя крепость Господи, / Ты моя и сила, / Ты мой Бог, Ты мое радование, / не оставль недра Отча, / и нашу нищету посетив, / тем с пророком Аввакумом зову Ти: / силе Твоей слава Человеколюбче.

Ты яко пастырь исхитил еси Христе человека, растлевша уже четверодневна, Зиждителю, от волка лютаго воистинну и всеядца: яко всесилен же и Господь, сим проявляя всемирную славу, Твоего ныне тридневнаго востания.

Тя жизнь видяще сущии с Марфою Христе, вопияху: аще бы был еси zde Господи, просвещение всех и жизнь, отнюд не бы умерл, мертв не явился бы Лазарь. Жизнь же умерших, Ты Человеколюбче сый, в радость плач их прелагаеши.

Слава: Тя источника боятся Господи бездны, Тебе работают воды всяческия: Тебе трепещут Христе верей адовы, и заклепы державою Твоею разрушаются, Лазарю воскресшу из мертвых гласом Твоим, всеильне Спасе Человеколюбче.

Богородичен: Ты верным похвала еси Безневестная, Ты предстательство, Ты и прибежище христианом, стена и пристанище: к Сыну бо Твоему моления приносиши Всенепорочная, и спасаеши от бед, верою и любовию Богородицу Чистую Тя ведущия.

Катавасия: Ты моя крепость Господи, / Ты моя и сила, / Ты мой Бог, Ты мое радование, / не оставль недра Отча, / и нашу нищету посетив, / тем с пророком Аввакумом зову Ти: / силе Твоей слава Человеколюбче.

Песнь 5.

Ирмос: Вскую мя отринул еси, / от лица Твоего Свете незаходимый, / и покрыла мя есть чуждая тьма окаяннаго? / Но обрати мя, и к свету заповедей Твоих, / пути моя направи, молюся.

Представ Лазареву гробу Человеколюбче, сего призвал еси, и жизнь подал еси: яко жизнь сый безсмертная человеком всем, яко Бог будущее прообразуя яве воскресение.

Связан ногама Лазарь хождаше, чудо в чудесех: ибо болий явился возбраняющаго укрепляй и Христос: Егоже слову вся раболепно служат, яко Богу и Владыце работающа.

Мертва смердяща Лазаря воздвигнувый Христе четверодневна, возстави мя умерша ныне грехи моими, и положена в рове, и темней сени смертней, и яко благоутробен избави и спаси мя.

Иный, ирмос тойже.

Ирмос: Вскую мя отринул еси, / от лица Твоего Свете незаходимый, / и покрыла мя есть чуждая тьма окаянного? / Но обрати мя, и к свету заповедей Твоих, / пути моя направи, молюся.

Отцу славу подая, яко не богопротивный был еси моляся, предстоящий уверяя народ Долготерпеливе, и благодарение Твоему Отцу принося, повелением воздвизаеши Лазаря.

О гласа Божовещанного, и Божественныя силы, Спасе державы Твоя! Еюже адова врата всеядныя смерти сокрушил еси: но исхити мя от страстей моих, якоже прежде четверодневна Твоего друга Лазаря.

Слава: Молитвами Лазаря, Марфы же и Марии, нас сподоби зрителей быти Креста и страстей Твоих Господи, и светоносицы дней и царицы Воскресения Твоего Человеколюбче.

И ныне, Богородичен: Матернее дерзновение к Сыну Твоему имущи Пречистая, сроднаго промысления о нас не презри, молимся, яко Тя едину христиане ко Владыце умилоствление благоприятное предлагаем.

Катавасия: Вскую мя отринул еси, / от лица Твоего Свете незаходимый, / и покрыла мя есть чуждая тьма окаянного? / Но обрати мя, и к свету заповедей Твоих, / пути моя направи, молюся.

Отселе начинается четверопеснец господина Космы. Ирмосы по дважды, тропари на 12.

Песнь 6.

Ирмос: Иону в ките Господи единого вселил еси: / мене же связанного мрежами вражиями, / яко от тли онаго, спаси.

Любовь Тебе в Вифанию Господи отведе к Лазарю, и сего уже смердяща воскресил еси яко Бог, и от уз адовых спасл еси.

Марфа убо отчаяшеся Лазаря, яко виде четверодневна, Христос же истлевшаго воскресил яко Бог, и к жизни представи глаголом.

Иный, Иоанна монаха. Глас тойже.

Ирмос: Очисти мя Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

Бог сый истинный, Лазарево ведал еси успение, и сие учеником Твоим провозвестил еси, уверяя Владыко Божества Своего неопредельное действо.

Плотию описан сый Неописанный, в Вифанию пришед, яко Человек Владыко слезиши над Лазарем, яко Бог же хотя воскрешаеши четверодневнаго.

Катавасия: Очисти мя Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

Кондак, глас 2.

Подобен: Вышних ища:

Всех радость Христос, истина, свет, / живот, и мира воскресение, / сущим на земли явися Своею благодатию, / и бысть образ воскресения, / всем подая Божественное оставление.

Икос: Учеником Создатель всех предвеща, глаголя: братия и знаемии, наш друг успе, сими предглаголя и уча, яко вся веси, яко Создатель всех. Идем убо, и увидим странное погребение, и рыдание Мариино, и Лазарев гроб узрим: тамо бо хошу чудодействовати, совершая Креста предначинание, и всем подая Божественное оставление.

Синаксарий. Стихи:

Рыдаеши Иисусе, сие смертнаго существа:

Оживляеши друга Твоего, сие Божественныя крепости.

В тойже день востание празднуем святого и праведнаго друга Христова Лазаря Четверодневнаго. Сей евреин убо бяше родом, фарисей же ересию, и сын якоже негде обретесе, фарисеа сый Симона, от Вифании веси происходя. Господу же нашему Иисусу Христу по земли творящу хождения о спасении рода нашего, и сие в содружество ему соединяется. Понеже бо к Симону Христос часто беседоваше, аки и тому о воскресении мертвых зело молящуся, и к дому его приходаше многажды, Лазарь в свойство возлюбляется: не тойже един, но и сестре его две, Марфа яве и Мариа. Уже бо спасительной страсти приближающейся, елма подобаше воскресения таинству известнее уверитися. Бяше убо пребывая Иисус об он пол Иордана, первее Иаирова отрочища, и вдовича сына воскресив из мертвых. Друг же его Лазарь недугом тяжким объят быв, умре. Иисус убо и не сый тамо, учеником глаголет: Лазарь друг наш успе. И мало паки престав, Лазарь, рече, умре. Приходит убо в Вифанию, Иордан оставль, от сестр его возвещен быв. Разстоит же от Иерусалима Вифания аки стадий пятнадцать. И предусретосте сестре Лазареве, глаголюще: Господи, аще бы еси был zde, не бы умерл наш брат: но и ныне аще Тебе хотительно, воздвигнеши и, можеши бо. Вопросает же народа Иисус, где положили есте его? И абие вси предыдоху на гроб. И камени взяту бывшу, Марфа глаголет: Господи, уже смердит, четверодневен бо есть. Помолився Иисус, и слезы над лежащаго испустив, гласом велиим воззва: Лазаре гряди вон. И абие умерый изыде: и разрешен быв отыде в дом. Сие странное чудо на зависть воздвизает еврейския люди, и на Христа возбешаются: Иисус же паки уклонься отыде. Архиереи же и Лазаря убити помышляху, зане мнози его зряще ко Христу прилагахуся. Но он мыслимая разумев, к Кипрскому острову избегает, и тамо пребывая, послежде от апостолов архиерей показуется Китейскаго града. Добре же и боголюбезне пожив, по тридесятолетнем времени ожития своего, умирает паки, и таможде погребается, многая чудеса содеяв. Глаголется же, по ожитии ничесоже ясти кроме услаждающаго. И яко его омофор Пречистая Божия Мати, Своима уготовльши рукама, ему дарова. Сего честныя и святыя мощи, премудрейший царь Лев, от некоего видения Божественнейшаго, оттуду

пренес, в созданном от него в Константинограде, во имя сего святого храма, честно и многоценно полагает, одесную в храм входяще, в противной священному олтарю стене: и ныне еще пребывают честныя его мощи, неизреченное некое благовоние совершающе. Праздноватися же в настоящий день вчинися его востание, зане святии и богоноснии отцы наши, паче же святии апостоли, по четыредесятидневнем посте за очищение, святыя страсти Господа нашего Иисуса Христа хотяще жрети, понеже сие чудо начало и вину наипаче обретоша иудейскаго на Христа неистовства, посему зде преестественное сие чудо положиша. Еже убо евангелист Иоанн сам списует, яко другим евангелистом оставльшим сие: яве еще жив бе Лазарь и видимь. Глаголется убо, яко и сего ради самаго и прочее списася Евангелие: и яко ничесоже о безначальном Рождестве Христовем друзии воспомянуша. Се бо бяше искомое уверитися, яко Сын Божий и Бог бе Христос, и яко воскрес, и воскресение будет мертвым: еже Лазарем паче уверяется. Ничтоже от еже во аде Лазарь, рече: или яко не оставлено бысть видети яже тамо, или видевшу молчати о сих повелено бысть. Отселе и всяк человек ныне умерый, Лазарь глаголется, и гробная одежда паки лазарома нарицается, гадательствующему слову, еже в память перваго Лазаря приходити. Аще бо он словом Христовым воста и оживе паки, тако и сей, аще и умре, в последней трубе востав, вечно жити будет. Молитвами друга Твоего Лазаря, Христе Боже, помилуй нас, аминь.

Песнь 7.

Ирмос: **Отроцы еврейстии / в печи попраша пламень дерзновенно, / и на росу огонь преложиша, вопиюще: / благословен еси Господи Боже во веки.**

Прослезився яко человек Щедре, воскресил еси яко Бог сушаго во гробе, и разрешся от ада Лазарь взываше: благословен еси Господи Боже во веки.

Изыде повойми обвязан, пропасти ада же и тьмы побег Владычним словом, Лазарь взывая: благословен еси Господи Боже во веки.

Иный.

Ирмос: **От Иудей дошедше отроцы, в Вавилоне иногда, / верою Троицкою пламень пещный попраша поюще: / отцев Боже благословен еси.**

Над другом прослезився, Марфины Щедре слезы утолил еси, и страстию вольною отъял еси от лица людей Твоих всякую слезу: отец наших Боже благословен еси.

Живота сокровище, мертваго яко от сна Спасе воздвигл еси, и словом адову утробу расторгнув, воскресил еси поюща: отец наших Боже благословен еси.

Мертвеца смердяща, связана повойми, Владыко, воздвигнул еси, и мене связаного пленицами прегрешений, возстави поюща: отец наших Боже благословен еси.

Катавасия: От Иудеи дошедше отроцы, в Вавилоне иногда, / верую Троическою пламень пещный попраша поюще: / отцев Боже благословен еси.

Песнь 8.

Ирмос: Мусикийским органом согласующим, / и людям безчисленным поклоняющимся образу в Деире, / три отроцы не повинувшися, / Господа воспеваху, / и славословляху во вся веки.

Яко Пастырь агнца взыскал еси, от волка лютаго губителя восхитив, растлевша обновил еси, поюща Тебе: пойте и превозносите во вся веки.

Яко Человек гроба взыскал еси, мертваго яко Содетель воскресил еси, повелением Твоим Владычним: Егоже ад ужасеся, вопиюща Тебе: пойте и превозносите во вся веки.

Иный.

Ирмос: Царя Небеснаго, / Егоже поют вои ангельстии, / хвалите и превозносите во вся веки

Вопрошаеши убо яко Человек, яко Бог же воскрешаеши словом четверодневнаго. Темже Тя поем и превозносим во вся веки.

Тебе благоразумно Владыко, якоже должное Мариа приношает миро, воспевающи во вся веки.

Призываеши убо яко Человек Отца, яко Бог же Лазаря воздвизаеши. Темже Тя поем Христе во веки.

Хвалим, благословим:

Катавасия: Царя Небеснаго, / Егоже поют вои ангельстии, / хвалите и превозносите во вся веки.

Честнейшая не стихословится.

Песнь 9.

Ирмос: Чистую славно почтим, людие Богородицу, / огонь Божества приемшую / во чреве неопально, / песньми величаем.

Людие видевшие ходяща мертвеца четверодневна, удивившися чудеси, вопияху Избавителю, Бога Тя в песнях величающе.

Предуверя славное востание Твое, о Спасе мой, мертва четверодневна, из ада свобождаеши Лазаря, песньми Тя величающа.

Иный.

Ирмос: Воистинну Богородицу / Тя исповедуем / спасеннии Тобою Дево Чистая, / с безплотными лики / Тя величающе.

Почитая Твоего Отца, и показуя, яко не богопротивен еси, молитву дееши Христе, самовластно воздвиг четверодневнога.

Из гроба четверодневнога Лазаря воздвизаеши, тридневнога Христе Твоего востания, всеистинаго всем показуя сведетеля.

Ходиши, и слезиши, вещаеши же Спасе мой, человеческое показуя Твое действо: Божественное же являя, воздвизаеши Лазаря.

Содеял еси неизреченно, Владыко Спасе мой, по обою двою Твоею естеству, самовластною волею спасение мое.

Катавасия: Воистинну Богородицу / Тя исповедуем / спасеннии Тобою Дево Чистая, / с безплотными лики / Тя величающе.

Таже на глас 1: Свят Господь Бог наш. Трижды.

Ексапостилярый самогласен, дважды.

Словом Твоим, Слове Божий, Лазарь ныне возскачет к житию паки потек, и с ветвьми людие Тя державне почитают, яко в конец погубиши ад смертию Твоею.

Слава, и ныне, ин.

Подобен: Единожды:

Лазарем тя Христос уже разрушает смерти, и где твоя аде победа? Вифании плач ныне на тебе преставляется, вси ветви победы Тому принесем.

На хвалитех поставим стихов 8, и поем стихиры самогласны, глас 1.

Стих: Сотворити в них суд написан.

Воскресение и жизнь человеком сый Христе, / гробу Лазареву предстал еси, / уверяя нам два существа Твоя Долготерпеливе, / яко Бог и Человек от Чистыя Девы пришел еси. / Якоже бо Человек вопрошал еси: / где погребеся? / И якоже Бог воскресил еси / живоносным мановением четверодневнога.

Лазаря умерша четверодневнога / воскресил еси из ада Христе, / прежде Твоя смерти, / потряс смертную державу, / и едином любимым, / всех человек провозвещающей из тли свобожделение. / Темже поклоняющеся Твоей всеильней власти вопием: / благословен еси Спасе, помилуй нас.

Марфа и Мариа Спасу глаголасте: / аще бы zde был еси Господи, / не бы умерл Лазарь: / Христос же воскресение усопших, / сего уже четверодневнога из мертвых воскресил: / приидите вси вернии, / Сему поклонимся грядущему во славе, спасти души наша.

Божества Твоего Христе, / подавая учеником Твоим образ, / в народех смирял еси Себе, / утаитися хотя. / Темже апостолом яко проведец Бог, / Лазареву смерть предрекл еси. / В Вифании же присутствуяй людем, / друга Твоего гроба не неведый, / увести вопрошал еси яко Человек. / Но Тобою четверодневен воскресый, / Божественную Твою державу яви: / всеильне Господи слава Тебе.

Глас 4: Четверодневна воздвигл еси друга Твоего Христе, / и Марфино и Мариино рыдание утолил еси: / показуя всем, яко Ты еси вся совершай Божественною силою, / самовластным хотением. / Емуже херувими вопиют непрестанно: / осанна в вышних, / благословен еси над всеми Боже, слава Тебе.

Марфа Марии вопияше: / Учитель предстоит, и глашает тя, приступи. / Она же скоро пришедши, / идеже бе стоя Господь, / и видевши возопи, падши поклонися, / пречистей нозе Твои облобызаючи, глаголаше: / Господи, аще бы еси zde был, / не бы убо умерл брат наш.

Глас 8: Стих: Воскресни Господи Боже мой, да вознесется рука Твоя: не забуди убогих Твоих до конца.

Лазаря умерша в Вифании, / воздвигл еси четверодневна: / токмо бо престал еси гробу, / глас живот умершему бысть, / и воздохнув ад отрещи страхом. / Велие чудо, / многомилостиве Господи слава Тебе.

Стих: Исповемся Тебе Господи всем сердцем моим, повем вся чудеса Твоя.

Якоже рекл еси Господи Марфе: / Аз есмь Воскресение, / делом слово исполнил еси, / из ада воззвав Лазаря: / и мене Человеколюбче мертвa страстьми, / яко сострадателен воскреси, молюся.

Слава, глас 2:

Велие и преславное чудо совершися днесь, / яко мертвеца четверодневнаго, / из гроба Христос возгласив воздвиже, / и друга призва: / славословим Его яко преславна, / да молитвами праведнаго Лазаря / спасет души наша.

И ныне: Препоблагословенна еси, Богородице Дево:

Таже, Славословие великое, и отпуст.

НА ЛИТУРГИИ

Блаженна, песнь 3-я и 6, на 8. По входе тропарь празднику. Слава, и ныне, кондак.

1. Два предлагая действия Твоя, показал еси существ Спасе сугубство: Бог бо еси и Человек.
2. Бездна сый разума, Ты вопрошаеши: где положиши мертвый? хотя воскресити Животодавче лежащаго.
3. Места преходяй яко быв Человек, явился еси описан, исполняя всяческая, яко Бог неописанный.
4. Лазаря воздвигл еси Божественным Христе глаголом: и мене многими прегрешеньми умерша возстави, молюся.
5. Любовь Тебе в Вифанию Господи отведе к Лазарю, и сего уже смердяща воскресил еси яко Бог, и от уз адовых спасл еси.
6. Марфа убо отчаяшеся Лазаря, яко виде четверодневна, Христос же истлевшаго воскресил яко Бог, и к жизни преставил глаголом.
7. Бог сый истинный, Лазарево ведал еси успение, и сие учеником Твоим провозвестил еси, уверяя Владыко Божества Своего неопредельное действие.
8. Плотию описан сый Неописанный, в Вифанию пришел, яко Человек Владыко слезиши над Лазарем, яко Бог же хотя воскрешаеши четверодневнаго.

Тропарь, Глас 1:

Общее воскресение / прежде Твоя страсти уверяя, / из мертвых воздвигл еси Лазаря Христе Боже. / Темже и мы яко отроцы победы знамения носяще, / Тебе победителю смерти вопием: / осанна в вышних, благословен Грядый во имя Господне.

Кондак, глас 2.

Всех радость Христос, истина, свет, / живот, и мира воскресение, / сущим на земли явися Своею благостию, / и бысть образ воскресения, / всем подая Божественное оставление.

Вместо Трисвятаго поем: Елицы во Христа крестистесь, во Христа облекостесь, аллилуиа.

Прокимен, глас 3: Господь просвещение мое, и Спаситель мой, кого убоюся?

Стих: Господь защититель живота моего, от кого утрашуся?

Апостол ко Евреом, зачало 333, от полу. [Евр. 12, 28 – 13, 8.]

Братие, црѣтво непоколебимо прїемлюще, да ѿмамы бл҃гть, ѿюже слѣжимъ бл҃гогѡднѡ б҃гъ съ бл҃гоговѣнїемъ и ст҃рахомъ, ѿбо б҃гъ нашъ Огнь пождѣи (ѣсть). **Б**ратолѡвїе да превывѣетъ: страннолѡвїа не забывѣйте, тѣмъ бо не вѣдѡще нѣцыи страннопрїѡша аг҃лы. **П**оминѣйте ѿзники, ѡки съ нїми свѣзани: ѡсловлѣемы, ѡки и сѡми сѡще въ тѣлѣ. **Ч**естнѡ женїтва во всѣхъ и лѡже несквѣрно: влѡдникѡмъ же и прелюводѣемъ сѡдитъ б҃гъ. **Н**е сребролѡвцы нрѣвоимъ, довѡлни сѡцими. **Т**ѡй во речѣ: не ѿмамъ тебѣ ѡстѣвити, ниже ѿмамъ ѡ тебѣ ѡстѣпїти: ѡкѡ дерзѡущымъ намъ глагѡлати: гдѣ мнѣ помѡщникъ, и не ѡубоѡса: что сотворитъ мнѣ челѡвѣкъ; **П**оминѣйте настѣвники вѡша, ѿже глагѡлаша вѡмъ слово вжїе: ѿхже взирѡюще на скончѡнїе жїтелства, подражайте вѣрѣ (ѿхъ). **И**исъ хрїтѡсъ вчерѡ и днѣсъ тѡйже, и во вѣки.

Аллилуиа. глас 5: Господь воцарися, в лепоту облечеса.

Стих: Ибо утверди вселенную, яже не подвижится.

Евангелие от Иоанна, зачало 39. [Ин. 11, 1 – 45.]

Во время оно: **Б**ѣ же нѣкто волѡ лѡзарь ѡ видѡнїи, ѡ вѣси марїинны и марѡы сестрѡы ѣл. **Б**ѣ же марїа помѡзавшаа гдѡ мѡромъ и ѡтѣршаа нѡзѣ ѣгѡ власѡи своїми, ѣаже братъ лѡзарь волѡше. **П**ослѡстѣ ѡубо сестрѣ къ немѡ, глагѡлющѣ: гдѣи, сѣ, ѣгѡже лѡвиши, волїтъ. **С**лышавъ же иисъ речѣ: сїлѡ волѣзнь нѣсть къ смѣрти, но ѡ слѡвѣ вжїи, да прослѡвитса снѣ вжїи ѣл рѡди. **Л**ювлѡше же иисъ марѡѡ и сестрѡѡ ѣл и лѡзарѡ. ѣгда же ѡслѡыша, ѡкѡ волїтъ, тогда превѡстъ на немѡже вѣ мѣстѣ двѡ днї. **П**отѡмъ же глѡ ѡчїнкѡмъ: ѿдемъ во ѡдѣю пѡки. **Г**лагѡлаша ѣмѡ ѡчїнцѡы: раввї, ннѣ ѿскѡхъ тебѣ кѡменїемъ повїти ѡдѣе, и пѡки ли ѿдѣши тѡмѡ; **ѡ**вѣща иисъ: не двѡ ли нѡдесѡте часѡ ѣстѡ во днї; ѡще ктѡ хѡдитъ во днї, не пѡткнетса, ѡкѡ свѣтъ мїра сѣгѡ видитъ: ѡще же ктѡ хѡдитъ въ ноци, пѡткнетса, ѡкѡ нѣсть свѣта въ немъ. **С**їлѡ речѣ и посѣмъ глѡ ѿмъ: лѡзарь дрѡгъ нашъ ѡспе: но ѡдѡ, да возвѡждѡ ѣгѡ. **Р**ѣша ѡубо ѡчїнцѡы ѣгѡ: гдѣи, ѡще ѡспе, спасѣнъ вѡдетъ. **Р**ечѣ же иисъ ѡ смѣрти ѣгѡ: ѡнї же мнѣша, ѡкѡ ѡ ѡспѣнїи снѡ глѣтъ. **Т**огда речѣ ѿмъ иисъ не ѡвинѡса: лѡзарь ѡмре: и рѡдѡса вѡсъ рѡди, да вѣрѡете, ѡкѡ не вѣхъ тѡмѡ: но ѿдемъ къ немѡ. **Р**ечѣ же ѡмѡ, глагѡлемѡй близнѣцъ, ѡчїнкѡмъ: ѿдемъ и мѡы, да ѡмремъ съ нїмъ. **П**рїшѣдъ же иисъ, ѡврѣтѣ ѣгѡ четѡри днї ѡужѣ ѿмѡца во грѡбѣ. **Б**ѣ же видѡнїѡ близѡ ѣерѡлїма, ѡкѡ стѡдїи пѡтнѡдесѡтъ, и мнѡзи ѡ ѡдѣй бѡхъ прїшли къ марѡѣ и марїи, да

оутѣшатъ ѿ хъ ѡ вратѣ єю. **Марѡа** оубо єгда оуслыша, ѿкв ѿсь грдѣтъ, срѣте єго: **маріа** же дома сѣдѡше. **Рече** же **марѡа** ко ѿсѡ: гдѣи, ѡце вы єсѣ здѣ выль, не вы вратъ мой оумерль: но ѿ нѣ вѣмъ, ѿкв ємѣка ѡце прѡсиши ѡ вѣа, дѡстъ тебѣ вѣа. **Гла** єѣ ѿсѡ: воскреснетъ вратъ твоѣ. **Глагола** ємѡ **марѡа**: вѣмъ, ѿкв воскреснетъ въ воскрѣшеніе, въ послѣдній дѣнь. **Рече** (же) єѣ ѿсѡ: ѡзъ єсмь воскрѣшеніе ѿ живѡтъ: вѣрѡмъ въ мѡ, ѡце ѿ оумретъ, ѡживѣтъ: ѿ всѡкъ живѡѣ ѿ вѣрѡмъ въ мѡ не оумретъ во вѣки. **Ємѣши** ли вѣрѡ семѡ; **Глагола** ємѡ: єѣ, гдѣи: ѡзъ вѣровахъ, ѿкв ты єсѣ хрѣтѡсъ сѣъ вѣѣѣ, ѿже въ мѡръ грдѡѣѣ. **И** сѣа рѣкши, ѿде ѿ пригласѣ **марію** сестрѡ своѡ тѡѣ, рѣкши: оучѣль пришѣлъ єсть ѿ глашѡетъ тѡ. **Она** (же) ѿкв оуслыша, востѡ скѡрѡ ѿ ѿде къ немѡ. **Не** оужѣ во вѣа пришѣлъ ѿсѡ въ вѣсь, но вѣа на мѣстѣ, ѿдѣже срѣте єго **марѡа**. **Иде** (же) оубо сѡщѣи съ нѣю въ домѡ ѿ оутѣшѡюще ю, вѣдѣвшѣ **марію**, ѿкв скѡрѡ востѡ ѿ ѿзыде, по нѣѣ ѿдѡша, глагѡлюще, ѿкв ѿдетъ на грѡбъ, да плѡчетъ тѡмѡ. **Маріа** же ѿкв прѣѣде, ѿдѣже вѣа ѿсѡ, вѣдѣвши єго, падѣ ємѡ на ногѡ, глагѡлющи ємѡ: гдѣи, ѡце вы єсѣ выль здѣ, не вы оумерль мой вратъ. **Исѡ** оубо, ѿкв вѣдѣ ю плѡчѡщѣса ѿ пришѣдшыѡ съ нѣю ѿдѣѣи плѡчѡщѡ, запрѣтѣ дѣхѡ ѿ возмѡтѣса сѡмъ ѿ рече: гдѣа положѣте єго; **Глаголаша** ємѡ: гдѣи, прѣѣдѣ ѿ вѣждѣ. **Прослезѣса** ѿсѡ. **Глаголахѡ** оубо жѣдове: вѣждѣ, кѡкъ любѡлѡше єго. **Нѣцыи** же ѡ нѣхъ рѣша: не можѡше ли сѣѣ, ѡвѣрѡзѣѣ **Очи** слѣпѡмѡ, сотворѣтѣи, да ѿ сѣѣ не оумретъ; **Исѡ** же пѡки прѣтѡ въ сѣвѣ, прѣѣде ко грѡбѡ. **Вѣа** же пѣцѣра, ѿ кѡмѣнъ лежѡше на нѣѣ. **Гла** ѿсѡ: возмѣте кѡмѣнъ. **Глагола** ємѡ сестрѡ оумѣршагѡ **марѡа**: гдѣи, оужѣ смердѣтъ: четверѡднѣвенъ во єсть. **Гла** єѣ ѿсѡ: не рѣхъ ли тѣѣ, ѿкв ѡце вѣрѡдѣши, оузрѣши слѡвѡ вѣѣѣ; **Взѡша** оубо кѡмѣнъ, ѿдѣже вѣа оумѣрѣѣ лежѡ. **Исѡ** же возведѣ **Очи** горѣ ѿ рече: **Оче**, хвалѡ тебѣа воздѡѡ, ѿкв оуслышалъ єсѣ мѡ: ѡзъ же вѣдѣхъ, ѿкв всѣгда мѡ послѡшаѣши: но нарѡда рѡдѣ стоѡцагѡ ѡкрѣстъ рѣхъ, да вѣрѡ ѿмѡтъ, ѿкв ты мѡ послѡлъ єсѣ. **И** сѣа рѣкъ, глагѡмъ великимъ воззѡ: лѡзарѣ, грдѣѣ вѡнъ. **И** ѿзыде оумѣрѣѣѣ, ѡвѡзанъ рѡкѡма ѿ ногѡма оукрѡѣмъ, ѿ лицѣ єгѡ оуврѡсомъ ѡвѡзѡно. **Гла** ѿсѡ: разрѣшѣте єго ѿ ѡстѡвитѣ ѿтѣѣ. **Мнози** оубо ѡ ѿдѣѣи пришѣдшѣи къ **маріи** ѿ вѣдѣвшѣ, ѿже сотворѣ ѿсѡ, вѣроваша въ негѡ:

Причастен: Из уст младенец, и ссуших совершил еси хвалу.

Аллилуиа, трижды.

На трапезе учреждаемся варением со елеем, аще же и икру имамы, да дастся коемуждо брату по три онгии, и вино прием.

Подобает ведати: Аще храм праведнаго Лазаря: по обычной кафисме полиелей: Величание святительское, и псалом: Услышите сия вси языцы: Таже седален иже по 3-й песни. И житие святаго Лазаря, от Никифора Ксанфопула написано. Степенна, антифон 1-й, 4-го гласа. Прокимен: Честна пред Господем: Стих: Что воздам Господеви: Всякое дыхание: Евангелие от Иоанна, зачало 36: Аз есмь дверь: псалом 50. Стихира, глас 6: Господи, глас Твой разруши: Каноны два, на 14: и катавасия 2-го канона. По 3-й песни седален праздника. По 6-й песни кондак: Всех радость: И икос. И прочее последование якоже указася.